

Na osnovu člana 86. Zakona o visokom obrazovanju ("Službene novine Kantona Sarajevo", broj: 22/10 - Prečišćen tekst), člana 23. Pravila studiranja za treći ciklus studija na Univerzitetu u Sarajevu broj: 0101-38-276/11 od 29.12.2010. godine, člana 15. i 16. Pravila studiranja za treći ciklus studija na Elektrotehničkom fakultetu u Sarajevu broj: 04-1-1774/10 od 31.05.2010. godine, Odluke Senata Univerziteta u Sarajevu o saglasnosti na studijski program III (trećeg) ciklusa - doktorski studij Elektrotehničkog fakulteta u Sarajevu broj: 01-38-2314/10 od 22.09.2010. godine, Odluke Senata Univerziteta u Sarajevu o saglasnosti za raspisivanje javnog konkursa broj: 01-34-262/12 od 25.04.2012. godine, te činjenice da je preostao određeni broj slobodni mjesta, Elektrotehnički fakultet u Sarajevu **objavljuje**

**NAKNADNI KONKURS**  
za upis studenata na III (TREĆI) CIKLUS STUDIJA - DOKTORSKI STUDIJ  
na Elektrotehničkom fakultetu u Sarajevu  
u studijskoj 2012/2013. godini

**I**

Naknadni konkurs se raspisuje za upis studenata u III (treći) ciklus studija – doktorski studij na Elektrotehničkom fakultetu u Sarajevu u studijskoj 2012/2013. godini, a koji se organizuje za naučne oblasti studija kako slijedi:

- Automatika i elektronika,
- Elektroenergetika,
- Računarstvo i informatika i
- Telekomunikacije.

Treći ciklus studija - doktorski studij u studijskoj 2012/2013. godini se organizira za prvu i drugu studijsku godinu, traje tri studijske godine (šest semestara), obim studijskog programa ovih studija vrednuje se sa 180 ECTS studijskih bodova, a njegovim završetkom stiče se naučni stepen doktora tehničkih nauka u datoj oblasti.

Studenti su dužni završiti studij u roku od 4 (četiri) godine od dana upisa. Ovaj rok može se produžiti najduže za godinu dana, računajući od dana isteka utvrđenog roka za predaju doktorske disertacije.

Ukoliko student ne izvrši sve obaveze u naprijed utvrđenim rokovima, postupak za sticanje naučnog stepena doktora nauka će se obustaviti rješenjem dekana, na prijedlog vijeća dokorskog studija, čime student gubi status studenta.

**II**

Pravo učešća na naknadnom konkursu imaju, pod jednakim uvjetima, državljani Bosne i Hercegovine i strani državljani za koje je nakon postupka nostrifikacije odnosno ekvivalencije diplome ranije završenog ciklusa/stepena studija utvrđeno da imaju završeno adekvatno obrazovanje za nastavak studija.

Na prvu godinu III (trećeg) ciklusa studija - dokorskog studija mogu se upisati kandidati koji ispunjavaju opće i posebne uvjete iz ovog naknadni konkursa.

**I Opći uvjeti su:**

- a) Kandidati koji su stekli zvanje magistar elektrotehnike – diplomirani inženjer elektrotehnike, kandidati koji su stekli diplomu drugog ciklusa studija iz odgovarajuće oblasti nauke (završen drugi ciklus studija u skladu sa principima Bolonjskog procesa), kao i kandidati kojima je to zvanje priznato u postupku ekvivalencije.

- b) Kandidati koji su stekli zvanje diplomirani inženjer elektrotehnike po pred Bolonjskom sistemu studiranja, a u postupku ekvivalencije na Elektrotehničkom fakultetu u Sarajevu im je to zvanje izjednačeno sa zvanjem magistar elektrotehnike.
- c) Kandidati koji su stekli zvanja diplomirani inženjer elektrotehnike po pred Bolonjskom sistemu studiranja i uključili se u program ekvivalencije na Elektrotehničkom fakultetu u Sarajevu, a koji su obavezni okončati tokom prve godine doktorskog studija.

## **II Posebni uvjeti su:**

- a) Kandidati koji su stekli zvanje magistar elektrotehnike – diplomirani inženjer elektrotehnike i kandidati koji su stekli diplomu drugog ciklusa studija iz odgovarajuće oblasti nauke trebaju imati prosjek svih ocjena iz ispita položenih u okviru drugog ciklusa studija (uključujući završni rad) veći ili jednak osam.
- b) Kandidati koji su stekli zvanje diplomirani inženjer elektrotehnike trebaju imati prosjek veći ili jednak osam iz predmeta dvije završne godine (uključujući ocjenu diplomskog rada), kao i ispita koje polože u postupku ekvivalentiranja.
- c) Kandidatima koji su stekli zvanja diplomirani inženjer elektrotehnike i uključili se u program ekvivalencije koji su obavezni okončati tokom prve godine doktorskog studija, u prosjek ulaze samo ocjene iz predmeta dvije završne godine studija (uključujući ocjenu diplomskog rada).

Na drugu godinu III (trećeg) ciklusa studija - doktorskog studija mogu se direktno upisati:

- a) Kandidati koji su kroz postdiplomski studij po predbolonjskom sistemu studiranja, čije trajanje nije bilo kraće od dvije godine stekli zvanje magistar elektrotehničkih nauka.

## **III**

Visina participacije cijena usluga i školarine za III (treći) ciklus studija - doktorski studij na Elektrotehničkom fakultetu u Sarajevu je utvrđena u skladu sa Odlukom Vlade Kantona Sarajevo broj: 02-5-19288/9/09 od 11.06.2009. godine o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu (dostupna na <http://www.unsa.ba> - poglavlje Propisi, Cjenovnici) i Odlukom Upravnog odbora Elektrotehničkog fakulteta u Sarajevu o cijeni troškova doktorskog studija broj: 01-01-2892/10 od 07.09.2010. godine i Odlukom o izmjenama Odluke o cijeni troškova doktorskog studija broj: 01-01-2873/11 od 15.07.2011. godine (dostupne na <http://www.etf.unsa.ba>).

## **IV**

Uz prijavu na naknadni konkurs za upis na III (treći) ciklus studija - doktorski studij, kandidati su obavezni dostaviti sljedeće dokumente:

1. Zahtjev za upis sa naznakom oblasti na koju konkuriše;
2. Biografiju;
3. Originalnu diplomu i dodatak diplomi (za studente koji su završili studij prema Bolonjskom sistemu studija), odnosno originalnu diplomu i uvjerenje o prosjeku ocjena (za studente koji su završili studij po pred Bolonjskom sistemu studija) o završenom prethodnom obrazovanju u Bosni i Hercegovini. Studenti Univerziteta u Sarajevu koji su završili drugi ciklus studija mogu do izdavanja diplome i dodatka diplomi predati uvjerenje o završenom studiju ukoliko se promocija i dodjela diploma vrši nakon završetka roka predviđenog za dostavljanje prijave za upis po ovom konkursu;
4. Rješenje o nostrifikaciji diplome za kandidate koji su stekli prethodno obrazovanje izvan Bosne i Hercegovine (original ili ovjerena kopija);
5. Izvod iz matične knjige rođenih i uvjerenje o državljanstvu, odnosno prva stranica pasoša za

- kandidate koji nisu državljani Bosne i Hercegovine (original ili ovjerena kopija);
6. Druge relevantne dokumente kojima dokazuje ispunjavanje općih i posebnih uvjeta iz ovog naknadni konkursa.

Prijave sa potrebnom dokumentacijom sa naznakom „*ZA NAKNADNI KONKURS ZA UPIS NA III (TREĆI) CIKLUS STUDIJA – DOKTORSKI STUDIJ NA ELEKTROTEHNIČKOM FAKULTETU U SARAJEVU, NE OTVARAJ - OTVARA VIJEĆE DOKTORSKOG STUDIJA*“ dostavljaju se u zatvorenoj koverti lično (svakim radnim danom od 10.00 do 13.00 sati) Studentskoj službi Elektrotehničkog fakulteta u Sarajevu ili preporučenom poštom na adresu: Univerzitet u Sarajevu, Elektrotehnički fakultet u Sarajevu, Zmaja od Bosne bb (Kampus Univerziteta u Sarajevu), 71 000 Sarajevo.

Neotpune i neblagovremene prijave neće se uzimati u razmatranje.

## V

Naknadni konkurs za upis na III (treći) ciklus studija - doktorski studij ostaje otvoren 7 dana od dana objavljivanja.

## VI

Preliminarnu rang-listu svih prijavljenih i primljenih kandidata Elektrotehnički fakultet u Sarajevu će objaviti na oglasnoj ploči i web stranici, nakon što je verificira nadležno tijelo najkasnije dva dana nakon isteka roka za podnošenje prijave na naknadni konkurs.

Na objavljenu preliminarnu rang-listu kandidati imaju pravo prigovora u roku od tri dana od dana objave iste.

Na prigovor kandidata, nadležno tijelo Elektrotehničkog fakulteta u Sarajevu obavezno je donijeti odluku u roku od tri dana i istu objaviti na oglasnoj ploči.

Konačni spisak upisanih studenata po naknadnom konkursu Elektrotehnički fakultet u Sarajevu će objaviti na web stranici i oglasnoj ploči najkasnije dva dana nakon isteka roka za donošenje odluke po izjavljenim prigovorima.

Upis primljenih kandidata izvršit će se najkasnije 7 dana prije početka nastave.

Sve dodatne informacije zainteresirani kandidati mogu dobiti u Studentskoj službi Elektrotehničkog fakulteta u Sarajevu ili na broj telefona: +387 33 205 708.